




Otprilike jedno od petero djece u Evropi žrtva je nekog oblika seksualnog nasilja, kao što su incest, pornografija, prostitucija, trgovina ljudima, korupcija, nuđenje putem Interneta, seksualno iskorištavanje i seksualno zlostavljanje. S obzirom na veličinu problema, Vijeće Evrope je 2010. godine pokrenulo kampanju JEDNO od PETERO s ciljem podizanja svijesti svake osobe – djece, roditelja i svih onih koji stupaju u kontakt sa djecom – i promovisanja ratifikacije i provedbe Konvencije Vijeća Evrope o zaštiti djece od seksualnog iskorištavanja i seksualnog zlostavljanja - poznate i kao "Konvencija iz Lanzarotea" - od strane 47 država članica Vijeća Evrope i šire.

Lokalne i regionalne vlasti imaju ključnu odgovornost, zajedno sa nacionalnim vlastima, za zaštitu i promovisanje ljudskih prava građana, što uključuje zaštitu i promovisanje sigurnosti i dobrobiti djece i mladih ljudi koji žive na njihovim područjima. Usluge koje su neophodne za pomoć žrtvama seksualnog nasilja i zlostavljanja se uglavnom pružaju na lokalnom nivou. To je također nivo na kojem preventivne mjere kao i mjere na podizanju svijesti mogu biti najučinkovitije. Lokalne i regionalne vlasti su tako na prvoj liniji borbe na zaustavljanju seksualnog nasilja nad djecom i moraju raditi na izradi i provedbi planova djelovanja i strategija za rješavanje i prevenciju budućih slučajeva.

Kongres lokalnih i regionalnih vlasti Vijeća Evrope je osmislio ovaj Pakt gradova i regiona za zaustavljanje seksualnog nasilja nad djecom za vođenje vlasti u njihovoj borbi protiv seksualnog iskorištavanja i seksualnog zlostavljanja. Kongres daje listu praktičnih inicijativa i politika koje bi se trebale provoditi na lokalnim i regionalnim nivoima kako bi se razvile usluge prilagođene djeci, zaštita djece i sprečavanje seksualnog nasilja unutar zajednice.

Politička organizacija osnovana 1949. godine, Vijeće Evrope radi na promovisanju demokratije i ljudskih prava širom kontinenta. Ono također razrađuje zajedničke odgovore na socijalne, kulturne i pravne probleme u njegovih 47 država članica. Kongres lokalnih i regionalnih vlasti Vijeća Evrope predstavlja lokalne i regionalne vlasti i promovira osnove demokratije. Ono ima dvije komore, Komoru lokalnih vlasti i Komoru regiona, i objedinjuje 324 punopravnih i 324 privremenih članova koji predstavljaju više od 200.000 evropskih teritorijalnih zajednica.

## GRADOVI I REGIJE: PAKT ZA ZAUSTAVLJANJE SEKSUALNOG NASILJA NAD DJECOM



one in five  
un sur cinq

Doprinos Kongresa  
Vijeća Evrope kampanji  
**JEDNO od PETERO**

**Instrumenti  
kampanje**